

This is not registered version of TotalDocConverter.
 Bi to'gasaydi o'sha qayta, ishonmasa, dedi. Mayli, ishonmasa ishonmasin, ammo o'lmasin.
 Yo'qulobodda kim ko'p, omad quyoshi kulib turganlar ko'p. Voyqlu ham shularning biri. Omadi kulmasa, yuk mashinasi sotib olardimi? Yo'qulobodda omadi bor odamning xo'rozi ham tuxum qiladi, deyishganday, hosil ham mo'l bo'ldi-yu Voyqlu bir mashina sara qovun bilan "Qaydasan, Kengqosh!" deb yo'lga tushdi. Qo'lida Xotinxo'jası yozib bergan otning belidek bo'lmasa ham, dumi qadar uzunlikdagi ro'yxat. Shu ro'yxat bo'yicha Kengqosh bozorlarini ovlashi kerak. Ming turli orzular bilan ketayotuvdi, bir yigitcha ola tayog'ini ko'tarib "To'xta!" dedi. Aytmochchi, bunaqa azamatlarni Maskov tomonlarda ilgari "GAI" deyishardi, Yo'qulobodda birov "yo'llaringdan aylanay, sen salom bergin, alik olmagan nomard" deydi, yana birovi qisqagina qilib, "VOI". Ola tayog'idan ham nomi uzayibdi, baraka topgurlarning. Topish-tutishi ham shu nomiga qarab uzaysa mayli-ya! "VOI bola", hujjatlarni tekshirgisi kelib turgan ekan, Voyqlu hamma qog'ozlarini berdi. "Aka, hamma hujjatingiz joyida ekan, eson-omon borib keling, Xudo bozoringizni bersin", deyishini kutib, u nodongina: "Yangangiz bilan dehqonchilik qiluvdik, endi mehnatning rohatini ko'radigan bo'lib turibmiz" deb yubormaydimi? "Ie,- dedi "VOI bola", - hali yangam bilan birga dehqonchilik qildingizmi? Buning hujjati yo'q-ku?" Voyqlu, homkalla, xotini bilan birga dalada ishlagani haqida qog'oz qilib olmagan ekan. "VOI bola" "bu hujjatsiz sizga shaharga yo'l yo'q",- deb turib oldi. Yaxshiki, Voyqluning kallasi ishlab qoldi. "Bolangdan aylanay, VOI bola, ikkita qovun bersam, o'sha hujjatning o'mnini bosadimi?" dedim. "VOI bola" "Nima, men poraxo'rmanmi!"- deb uni jerkib berdi. Voyqlu voy-voylab o'tirmay, savdoni baribir pishitdi. "VOI bola"ning kitobidagi qoida bo'yicha o'n donagina qovun poraga kirmas ekan, o'zi tanlab olib, Voyqulga "oq yo'l" tiladi. Yo'lida "VOI bola"lar ham ko'p ekan. Hammasinga ola tayoq yetkazib bergenlarga ham qoyil qolish kerak. Hammasi Voyqulni ko'rishi bilan tayog'ini o'ynatib qolsa-ya! Bittasi: "dalada birga ishlaganingiz chin xotiningizmi yo'oynashingizmi, nega hujjati yo'q", desa ikkinchisi: "o'sha ayolning xotin jinsidan ekaniga ginekologdan hujjat olishingiz kerak edi", - deydi. Ammo bularning orasida bittasi ham poraxo'r emas ekan, shunisi aj-joyib! Voyqlu o'nta-o'nta qovun bilan ishlarini hujjatlashtirib boraverdi. Kengqoshga yetay deganida mashina tepasiga chiqib qarasam, xuddi atay sanaganday ontagina qovun qolibdi. Niyat xolis-da! Bu qaysi baxti kulganga nasib qilganiykin, deb turuvdi, yana bitta "VOI bola" keldi. Qog'ozlarni o'qib chiqib: "Hujjatga qaraganda mashina erkak kishiniki ekan", dedi. "O'sha erkak - akang qarag'ay bo'ladi, akasi jonidan", - dedi Voyqlu. U esa Voyqulga yaxshilab qarab olib: "Bu yerda erkakligingiz haqida hujjat yo'q-ku?"- dedi. "Erkakligimni ko'rib turibsan-ku?" desa, bola paqir, "Men ko'rib turganimga ishonmayman, hujjatga ishonaman"- dedi. Xullas, qolgan o'nta qovun evaziga erkakligiga ishontirdi. Qovun ketsa ketsin, obro' ketmasin, dedi-da!
 Shahargacha kelib, orqaga qaytib ketavermay, deb bir aylangisi keldi. Yaxshi hamki xotini qovun sotilguncha pattachi-mattachiga ishlatib turarsiz, deb picha pul bergen edi. Shahar ichida ham olatayoqlar ko'tarilib turar ekan. Har ko'tarilganda cho'ntak qoqlaverdi. Oxiri yutqizgan nochor qimorvoz xotinini tikkanday, Voyqlu ham mashinaning bittadan bo'lagini tashlab ketaverdi. To'rtta g'ildirakka qanoat qilgan "VOI bola"ning insofi bor ekan, qoq suyagi qolgan mashina "skleti"ni yo'lovchi "Kamaz"ning kajavasiga ortib berdi. Qovun ortib Kengqoshga kelayotganida qadrdon bo'lib qolgan "VOI bola"lar qaytishini intiq kutib turishgan ekan, Voyqlu ularni ham quruq qo'yamadi. Qishloqqa kiraverishda yelkasida bitta to'n-u, qo'lida mashinaning kalitigina qolgan edi. Oxirgi "VOI bola", otasiga rahmat, kalitni olmadni, "sizga bizdan esdalik bo'lsin", dedi ammo to'nini oldi. "Eskiroq bo'lsa ham sizniki tabarruk, itimning tagiga solaman", - dedi.
 Biz bu bayonni yozib o'tirganimizda Voyqlu shoshib turgan edi. "Qayoqqa ketyapti?" deysizmi? Xotinining qaynonasiga qiz ekani, o'zining esa qaynonasining kuyovi ekani haqida hujjat olib qo'yishi kerak. Yana kim biladi, yo'l uzoq...